



SAKSPAPIR

Saksnr	Utval	Type	Dato
18/2022	Bygdeutviklingsutvalet	PS	20.09.2022

Sakshandsamar	Arkiv	ArkivsakID
Tore Henrik Øye	FE-223, FA-V12	22/1044

HANDSAMING AV SØKNAD OM BYGDEUTVIKLINGSMIDLAR TIL KURS OM GRINDVERKSBYGG - STAMNES IDRETTLAG

Vedlegg:

Søknad om bygdeutviklingsmidlar - Stamnes idrettslag

Kommunedirektøren sitt framlegg til vedtak:

Stamnes Idrettslag, v/ Nieves Tur, får tildelt inntil kr. 50 000,- til å gjennomføre kurs om bygging av grindverksbygg. Tilskotet er knytt til utgifter med instruktører, utstyr og materialkostnader.

Tilskotet utgjør 71 % av budsjettert kostnad. Lågåare kostnad kan gje lågare tilskot.

Tilskotet vert betalt ut etter sluttrapport, med kostnadsdokumentasjon. Ved eventuell momsrefusjon vert tilskotet knytt til eks. mva.

Løyvinga gjeld i to år, fram til 01.10.24. Etter dette vert midlane trekte attende

Løyving frå Bygdeutviklingsutvalet gjeld berre gjennomføring av kurset. Mogleg søknadsplikt knytt til permanent plassering av grindverksbygget, er ikkje vurdert.

Det vert gjeve støtte på kroner 35.000 til kurs i grindverksbygg

Bygdeutviklingsutvalet - Sak 18/2022

BYG - Behandling:

Endringsframlegg frå Edvin Hesjedal, H:

Det vert gjeve støtte på kroner 35.000 til kurs i grindverksbygg

Røysting:

Edvin Hesjedal sitt framlegg vart samrøystes vedteke.

BYG - Tilråding/Vedtak:

Stamnes Idrettslag, v/ Nieves Tur, får tildelt inntil kr. 35 000,- til å gjennomføre kurs om bygging av grindverksbygg. Tilskotet er knytt til utgifter med instruktører, utstyr og materialkostnader.

Tilskotet utgjør 50 % av budsjettert kostnad. Lågåare kostnad kan gje lågare tilskot.

Tilskotet vert betalt ut etter sluttrapport, med kostnadsdokumentasjon. Ved eventuell momsrefusjon vert tilskotet knytt til eks. mva.

Løyvinga gjeld i to år, fram til 01.10.24. Etter dette vert midlane trekte attende

Løyving frå Bygdeutviklingsutvalet gjeld berre gjennomføring av kurset. Mogleg søknadsplikt knytt til permanent plassering av grindverksbygget, er ikkje vurdert.

Saksopplysningar:

Samandrag/konklusjon (kort om saka)

Stamnes Idrettslag søker om kr. 70 000,- i tilskot til å gjennomføre kurs om grindverksbygging på Stamnes. Kurset er for bygdefolk og andre med interesse for byggjeforma, og det vert søkt om 100 % finansiering.

Føremålet med tiltaket er å skape aktivitet i bygda, ved å kombinere læring og sosialt samvær.

Kostnaden med kurset er knytt til leige av instruktører og kostnader med innkjøp av utstyr og material.

Kommunedirektøren vurderer at tiltaket ligg innanfor føremålet med bygdeutviklingsmidlane, og gjer framlegg om å løyve inntil kr. 50 000,- til tiltaket. Dette er kr. 20 000,- mindre enn søknadsbeløpet.

Bakgrunn for saka

Bygdeutviklingsutvalet har kr. 275 000,- i tilgjengelege tilskotsmidlar til fordeling ved søknadsomgangen i september 2022.

I søknad av 25.08.22, søker Stamnes Idrettslag, v/ Nieves Tur, om kr. 70 000,- i tilskot til å gjennomføre kurs om grindverksbygg for bygdefolk og andre interesserte.

Føremålet med tiltaket er å skape aktivitet i bygd, og å kombinere læring med å møtast. Tiltaket vil vere knytt til Allaktivitetshuset, og kan nå andre målgrupper enn kva andre aktivitetar i bygda gjer.

Motivasjonen for kurset er at grindverksbygg representerer ein gamal tradisjon i området, med fleire bygg langs fjorden. Byggjeforma skapar engasjement, og kurset vil i tillegg til å gje auka kompetanse, vere med å halde gamle tradisjonar ved like. I dette høve vil det bli trekt vekslar på kompetente instruktører, i følgje søknaden.

Kostnadsoppsettet for kurset, er som følgjer:

- Instruktører og utstyr : kr. 30 000,-
- Byggjematerial : kr. 30 000,-

- Transport, material : kr. 10 000,-

Det vert søkt om fullfinansiering (kr. 70 000,-). Kurset er planlagt til hausten 2022.

Tanken er å plassere grindverksbygget på eigna stad i bygda når det er ferdig. Dette som ein mogleg, ny møteplass.

Formelt grunnlag:

- Kommuneleva - generelle sakshandsamingsreglar.
- «Retningslinjer for tildeling av midlar frå Bygdeutviklingsutvalet», vedtekne 26.05.20:

[Vaksdal kommune - Retningslinjer for tilskot til bygdeutvikling](#)

Vurdering og konsekvensar:

Søknaden sitt innhald er tilstrekkeleg i høve til bygdeutviklingsmidlane sine retningslinjer.

Planlagt tiltak er meint å vere eit praktisk og lærerikt kurs for bygdefolket, med bakgrunn i lokal handverkstradisjon. Tiltaket vert soleis vurdert å vere i tråd med bygdeutviklingsmidlane sitt føremål, om å leggje til rette for aktivitetar, engasjement og lokale møteplassar. Her seier retningslinjene at det mellom anna kan gjevast midlar til kurs og opplæringstiltak.

Søklar søker om fullfinansiering av kurset, men Kommunedirektøren ser det som mest naturleg med ei delfinansiering. I dette høve kan deltakaravgift eller bruk av eigne midlar vere aktuelt. Verdien av eige arbeid er ikkje spesifisert i søknaden, men vil truleg gjere seg gjeldande ved planlegging og gjennomføring.

I følge tilskotsordninga sine retningslinjer, skal ein ta omsyn til geografisk fordeling ved bruk av midlane. I dette høvet er Stamnes den grenda som har fått flest tilskot til tiltak. Dette vitnar om stort engasjement, som er bra! Likevel er det naturleg å ta omsyn til tidlegare løyvingar ved tildeling av nye tilskot. Her vil talet på søknadar, med samla søknadssum og tilgjengelege midlar, spele inn, saman med kva type tiltak det vert søkt om støtte til (karakter/innhald).

Ved denne søknadsomgangen er det søkt om meir midlar enn kva som er tilgjengeleg, og ei prioritering må gjerast.

På bakgrunn av ei samla vurdering, finn Kommunedirektøren grunnlag for å løyve midlar til kurs om bygging av grindverksbygg. Grunngevinga er at tiltaket fremjar aktivitet med utgangspunkt i læring og lokal kultur. Innstillinga i dette høvet er å løyve inntil kr. 50 000,- til kurset, som utgjør 71 % av budsjettet kostnad og kr. 20 000,- mindre enn kva det er søkt om.

Bruken av midlane bør knytast til utgifter ved innleige av instruktørar og kjøp av byggjematerial.